



Inatsisartunut ilaasortaq
Andreas Uldum
Demokraatit

§ 37 naapertorlugu apeqqummut akissut – nr. 184 Tipsimit lottomillu meeqqat inuusuttullu peqatigiiffiinnut tapiissutit nakkutigineqarnissaat pillugu

07. okt 2011
Sagsnr. 2011-045068
Dok. Nr. 734562

Asasara Andreas Uldum

Postboks 260
3900 Nuuk

Tipsimit lottomillu tapiissutit pillugu apeqqtinnut Naalakkersuisut qujapput.

Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Matumuuna Naalakkersuisut sinnerlugit apeqqtitit akissavakka.

1. Peqatigiiffiit ataasiakkaat ilaasortaasa amerlassusaat pingartinneqartarpaa aningaasat tipsimeersut lottomeersullu meeqqat inuusuttullu peqatigiiffiinnut agguanneqaleraangata?

Akissut:

Tipsernermit lottornermillu iluanaarutinit agguaassisarneq pillugu Inatsisartut inatsisaat nr. 7, 1. juni 2006-meersumi § 1, imm. 1 naapertorlugu Naalakkersuisut tipsernermit lottornermillu iluanaarutinit agguaassisarput. § 1, imm. 1, nr. 3 naapertorlugu meeqqat inuusuttullu peqatigiiffii 13,6 %-inik, Pinnguaatit, eqqorniaasitsinerit eqquiniunnerillu ilaat pillugit inatsit naapertorlugu pissarsiassat ukiumoortumik Kalaallit Nunaannut pisassanngortinneqartartunit pissarsisarput. Naalakkersuisut taamaallit peqatigiiffiit ataasiakkaat ilaasortaasa kisitsisaat tunngavigineq ajorpaat, taamaallaalli procentikkaarluni agguaneq tunngavigisarlugi, tak. qulaani allaqqasoq. Meeqqat inuusuttullu peqatigiiffiinnut agguaassassat Sorlammut agguanneqartarput, taakkulu meeqqat inuusuttullu peqatigiiffiinnut agguasseqqinnermik isumaginnittarput.

Sorlaap maleruagassaani ersarissumik piumasaqaataavoq qinnuteqartut ilaasortaasa allattorsimaffii ilanngunneqassasut. Tassungalu paasissutissiissutigineqassaaq tapiisoqarsinnaaneranut ilaasortat ikinnerpaaffeqarnissaannik aamma piumasaqaateqarmat. Ingerlatsinermullu taperneqarnissamik suliniaqatigiiffiit kattuffiillu qinnuteqaataanni ilaasortat amerlassusaat tapiissutit amerlassusissaannut aamma tunngavigineqartarlutik.

Taamaassimappat makku paaserusuppakka:

2. Sorlaap, Naalakkersuisut sinnerlugit aningaasanik tipsimeersut lottomeersunillu agguaassisartup, tapiiffigineqarnissamut atatillugu qinnuteqarnermi peqatigiiffiup ilaasortatut nalunaarutigisai eqqornerisut qanoq nakkutigisartigaa ?

Akissut:

Sorlaap maleruagassai malillugit agguagassarsinissamik qinnuteqarnermi ilaasortat atiisa allattorsimaffiat ilanngunneqartartussaapput, taannalu atorlugu nakkutiginninneq ingerlanneqartarluni.

3. Politikkikkut inuusuttunut suliniaqatigiiffiit ukiut tallimat kingulliit ingerlanerini qassit aningaasanik tipsimeersunik lottomeersunillu tunineqarnikuuppat ?

Akissut:

Ukiut tallimat iluanni politikkikkut suliniuteqartut katillugit sisamat qinnuteqaataat tunngavigalugit taperneqarnikuupput, taakkulu tassaapput Atassutip Inuusuttai, Demokraatit Inuusuttai, Inuusuttut Ataqaqtiit kiisalu Siumut Inuusuttunut Suliniaqatigiiffia.

4. Politikkikkut inuusuttunut suliniaqatigiiffiit qassit ukiut tallimat kingulliit ingerlanerini qinnuigineqarnikuuppat ilaasortat amerlassusaattut nalunaarutigisimasatik uppernarsaqqullugit ?

Akissut:

Tipsimit lottomillu iluanaarutinit agguagarsinissamut qinnuteqarnermi Sorlaap maleruagassaani piumasaqaataavoq ilaasortat allattorsimaffii ilanngullugit tunniunneqassasut. Tamatumalu saniatigut Sorlammi ilaasortat ukiut tamaasa ilaasortat allattorsimaffiinik piumaffigineqartarput.

5. Politikkikkut inuusuttunut suliniaqatigiiffiit 2010-mi aningaasanik tipsimeersunik lottomeersunillu tapiiffigineqarsimasut katillugit qassinik ilaasortaqqarpap, tassani pineqarput politikkikkut inuusuttunut suliniaqatigiiffiit qinnuteqarnerminnut atatillugu nammineerlutik ilaasortatut nalunaarutigisimasaasa amerlassusaat.

Akissut:

2010-mi politikkikkut inuusuttunut suliniaqatigiiffiit marluk qinnuteqarsimapput, qinnuteqartunilu Atassutip Inuusuttaaniit aammalu Siumup Inuusuttunut Suliniaqatigiiffianniit ilaasortat katillugit 291-iupput.

6. Naalackersuisut naliliippat, Sorlaap aningaasanik tipsimeersunik lottomeersunillu aqutsinerata naammattumik qularnaarsimagaa tapiissutinik peqquserluuteqartoqarsimasimanginnissaa?

Akissut:

Naalackersuisut tatigilluinnarpaat Sorlaap aningaasanik tipsernermit lottornermillu iluanaarutininik agguaassisarnerminni aqutsinerat malittarisassat malillugit ingerlanneqartartoq. Tipsernermit lottornermillu iluanaarutinit agguaassisarneq pillugu Inatsisartut inatsisaat nr. 7, 1. juni 2006-imeersumi § 5 naapertorlugu ukiut tamaasa soqutigisaqatigiiffiit piumaffigineqartarput naatsorsuutitik kukkunerisiorneqarsimasut naatsorsuutinullu atortussat allat Naalackersuisunut nassiuttassagaat. Piffissaq eqqorlugu nassiussisoqanngippat imaluunniit Naalackersuisut paasigunikku tipsernermit lottornermillu iluanaarutit siunertamut naapertuuttumik atorneqanngitsut siunissami akiliutigineqartussat kinguartissinnaavaat pissutsit qulaani pineqartut iluarsineqarnissaata tungaanut.

Inussiarnersumik inuulluaqqusillunga
Med venlig hilsen

Mimi Karlsen